

Održane konsultacije sa mladima u okviru platforme „Dijalog za mlade“ u gradu Prijedoru

U petak, 6. oktobra, 2023. godine sa početkom u 19:00h održane su konsultacije sa mladima u okviru platforme „Dijalog za mlade“ u Prijedoru, u prostorijama ugostiteljskog objekta "Lafayette" u Tržnom centru Patrija. Dijalogu je prisustvovalo 36 mladih u dobi od 15 do 22 godine, učenici i studenti te predstavnici organizacija civilnog društva koje se bave pitanjima mladih.

Konsultacije su organizovane sa ciljem predstavljanja podržanih omladinskih projekata u okviru Regionalnog programa lokalne demokratije na Zapadnom Balkanu (ReLOaD2) te diskusije sa mladima o problemima i poteškoćama sa kojima se mladi susreću u Gradu Prijedoru, a da se njihovom rješenju može doprinjeti kroz inicijative organizacija civilnog društva.

Na području Grada Prijedora je u septembru 2023. godine podržan projekat za mlade u sklopu Javnog poziva za podršku omladinskim projektima (ReLOaD2) revitalizacija fudbalskog i košarkaškog terena u srednjoškolskom centru Prijedor, što jeste jedan od prepoznatih prioriteta koji je prepoznat kroz Dijalog sa mladima. Predstavnici Omladinskog savjeta predstavili su cilj i planirane aktivnosti te pozvali mlade da se aktivo uključe u realizaciju samog projekta.

U drugom dijelu konsultacija učesnici „Ljetnog kampa aktivizma“, koje je u okviru ReLOaD2 projekta organizovao Institut za razvoj mladih „KULT“ u mjesecu avgustu 2023. godine, su prenijeli svoja iskustva sa kampa te ideje koje su generisali kroz rad kampa. Učesnice kampa su se aktivno uključile u organizaciju „Dijaloga za mlade“ te su kroz svoje kontakte animirale značajan broj učesnika ovih konsultacija. Konsultacijama su prethodile prezentacije plana od strane pet liderica predstavnicima Gradske uprave, te zajednički sastanci u svrhe pripreme za isti.

Facilitatorica konsultacija, gđa Aida Dolić, je nakon predstavljanja ReLOaD2 projekta, ideje i koncepta „Dijaloga za mlade“ te osvrta na zaključke prethodnih konsultacija, pozvala učesnice kampa da predstave svoje impresije i naučene lekcije o aktivizmu. Učesnicima prenijele svoje doživljaje sa kampa, motivirajući mlade za aktivan pristup u zajednici.

Proces generisanja prijedloga su zajednički iznijele uz facilitaciju gđe. Aide Dolić.

Prijedlozi su sljedeći:

Aktivnosti poticanja mladih na zdrave stilove života:

- Ova inicijativa ima za cilj edukaciju mladih o zdravim navikama, uključujući ishranu, fizičku aktivnost i brigu o mentalnom zdravlju.
- Aktivnosti mogu uključivati predavanja, radionice i sportske događaje koji promovišu zdrav način života među mladima.

Poticaji za pokretanje samostalnih biznisa:

- Ova ideja podrazumijeva podršku mladim preduzetnicima u pokretanju sopstvenih poslovnica ili malih biznisa.
- To može uključivati pružanje mentorske podrške, obuke i finansijske resurse kako bi se mladima omogućilo da ostvare svoje preduzetničke ambicije.

Zagovaranje za izgradnju amfiteatara na otvorenom u srednjoškolskom centru:

- Izgradnja amfiteatra na otvorenom u srednjoškolskom centru omogućila bi organizaciju različitih kulturnih i obrazovnih događaja na otvorenom.
- Ovo bi moglo obuhvatiti pozorišne predstave, koncerte, filmske projekcije i druge kulturne manifestacije koje bi bile dostupne mladima i zajednici.

Zagovaranje za formiranje kabineta za crtanje u sklopu srednjoškolskog centra:

- Ova inicijativa ima za cilj stvaranje specijalizovanog prostora u Građevinskoj školi gdje bi mladi talentovani učenici mogli raditi na svojim praktičnim projektima.
- Kabinet bi bio opremljen materijalima za crtanje i podržao kreativno izražavanje mladih.

Edukacije i info sesije iz profesionalne orijentacije nakon završene srednje škole:

- Ovaj program pružao bi mladima informacije i podršku u odabiru svoje buduće karijere nakon završene srednje škole.
- To bi uključivalo savjetovanje, testiranje vještina i edukaciju o mogućnostima zapošljavanja i obrazovanja.

Zagovaranje za izgradnju poligona za polaganje vozačkog ispita (autoškola):

- Izgradnja poligona za polaganje vozačkog ispita omogućila bi mladim vozačima da steknu praktično iskustvo i vještine u sigurnoj vožnji.
- Ovo bi bila korisna priprema za polaganje vozačkog ispita i poboljšanje bezbjednosti na putevima.

Organizovanje volontiranja u javnoj kuhinji, domu penzionera ili azilu za pse.

Veliki dio prisutnih je potvrdio date inicijative i pokazali su veliki interes za iste. Posebno je važno da je ispred Grada Prijedora, na predložene inicijative davao odgovore, gdje je to moguće, Ognjen Vukojević koji se bavi pitanjima mladih i upućen je u aktuelnosti koje se provode i kroz projekte. Prisutnim je najavio da je u toku priprema prostora Omladinskog centra kao i mogućnosti i olakšice koje se odnose na pokretanje vlastitog biznisa.

Omladinski savjet će implementirati projekat „Revitalizacija fudbalskog i košarkaškog terena u srednjoškolskom centru Prijedor“ te su pozvali mlade na aktivno učešće u samom projektu. Dogovoreno je da mladi formiraju grupu u kojoj će se nadalje ove inicijative delegirati i raspravljati.

Neke od diskutovanih prijedloga mladih će biti navedene kao prioritetne teme i oblasti u sklopu javnog poziva za podršku projektima organizacija civilnog društva na području grada Prijedora.

Dijalog za mlade je platforma/prostor u okviru kojeg mladi ljudi imaju mogućnost da identifikuju potrebe, probleme i neiskorištene potencijale, te istovremeno ponude inicijative ili rješenja za unapređenje kvalitete vlastitog života i života lokalne zajednice. Ovakav način angažmana mladih direktno utiče na povećanje njihovog učešća u procesima donošenja odluka na lokalnom nivou, osnažuje ih i osigurava da se u punom kapacitetu iskoristi njihov potencijal. U okviru Dijaloga organizovati će se konsultacije sa mladima za identifikaciju pitanja, ali i odgovora od vitalnog značaja za njih u lokalnim zajednicama, te će ih ohrabriti da učestvuju u društvenom životu zajednice i bliže sarađuju sa lokalnim vlastima.

Dijalog za mlade je konsultativni mehanizam za uključivanje mladih u život zajednice. Organizuje se u okviru Regionalnog programa lokalne demokratije na Zapadnom Balkanu 2 – ReLOaD2, kojeg finansira Evropska unija, a sprovodi Razvojni program Ujedinjenih nacija u Bosni i Hercegovini (UNDP) u partnerstvu sa Gradom Prijedor.